

四庫全書薈要·乾隆御覽本

集部

柳河東集卷十六

唐 柳宗元 撰

說一十一首

天說

考之昌黎集中不見與公論所謂天之說者觀
二公之出處亦相先後貶謫其同在朝之日亦
不久作之年月於他文無見焉然劉禹錫云余
之友河東解人柳子厚作天說以折韓退之之
言文信美矣蓋有激而云非所以盡天人之際
故作天論三篇以極其辯則其說首出於韓不

誣禹錫論三篇見其集茲不具載然公繼與禹錫書云發書得天論三篇以僕所為天說為未究欲畢其言始得之大喜謂有以開明吾志慮及詳讀五六日求其所以異吾說卒不可得凡子之論乃吾天說附注耳其言云云三君子之所言學者覽其書當自得之也

韓愈謂柳子厚曰若知天之說乎吾為子言天之說今夫人有疾痛倦辱饑寒甚者因仰而呼天曰殘民者昌佑民者殃又仰而呼天曰何為使至此極戾也若是者

舉不能知天夫果蓏

魯果切許慎說文在木曰果在地曰蓏張晏曰有核曰果無核曰蓏

應劭曰木實曰果草實曰蓏一說有殼果無殼蓏也

飲食既壞蟲生之人之血氣

敗逆壅底為癰瘍疣贅瘻痔

癰音邕說文腫也瘍音陽說文頭瘡曰瘍疣音尤贅

朱芮切謂贅肉也瘻音漏說文頸腫也一曰久創痔文里切說文後病也

蟲生之木朽而蝎

中

蝎音曷木中蟲非螫毒音歇者

草腐而螢飛

腐音輔爛也

是豈不以壞而

後出耶物壞蟲由之生元氣陰陽之壞人由之生蟲之

生而物益壞食齧之

上倪結切

攻穴之蟲之禍物也滋甚其

有能去之者有功於物者也繁而息之者物之讎也人

之壞元氣陰陽也亦滋甚墾原田

墾音懇耕治也

伐山林鑿泉

以井飲窳墓以送死

窳音欬空也

而又穴為偃溲

音菴溺謂之溲

築

為牆垣城郭臺榭觀游䟽為川瀆溝洫陂池燧木以燔

燧音遂燔音煩燹也

革金以鎔陶甄琢磨悴然使天地萬物不得

其情

悴泰醉切

倖倖

音幸

衝衝攻殘敗撓而未嘗息其為禍元氣

陰陽也不甚於蟲之所為乎吾意其能殘斯人使日薄

歲削禍元氣陰陽者滋少是則有功於天地者也繁而

息之者天地之讎也今夫人

一有之字

舉不能知天故為是

呼且怨也吾意天聞其呼且怨則有功者受賞必大矣

其禍焉者受罰亦大矣子以吾言為何如柳子曰子誠

有激而為是耶則信辨且美矣吾能終其說彼上而玄者世謂之天下而黃者世謂之地混然而中處者世謂之元氣寒而暑者世謂之陰陽是雖大無異果蓏癰痔草木也假而有能去其攻穴者是物也其能有報乎蕃而息之者其能有怒乎天地大果蓏也元氣大癰痔也陰陽大草木也其烏能賞功而罰禍乎功者自功禍者自禍欲望其賞罰者大謬呼而怨欲望其哀且仁者愈大謬矣子而信子之仁義以遊其内生而死爾烏置存

亡得喪於果茲癰痔草木耶

鶻說

韓昌黎誌公之墓謂子厚少年勇於為人不自
貴重顧藉謂功業可立就故坐廢退既退又無
相知有氣力得位者推挽故卒厄于窮裔觀公
鶻說必有當途者昔賈子厚之氣力而今不知
報者也其末曰孰若鶻者吾願從之毛耶翮耶
胡不我施寂寥太清樂以忘磯則其意昭然矣

鶻胡

骨切

有鶻曰鶻者穴於長安薦福浮圖有年矣浮圖之人室
宇於其下者伺之甚熟為余說之曰冬日之夕是鶻也必

取鳥之盈握者完而致之以煥其爪掌

煥乙六切熱氣

左右而易

之旦則執而上浮圖之跂焉縱之

跂丘彈去智二切舉踵也

延其首以

望極其所如往則背而去焉苟東矣則是日也不東逐南

北西亦然嗚呼孰謂爪喙毛翮之物而不為仁義器耶

翮下革切

羽莖也是故無號位爵祿之欲里閭親戚朋友之愛也出乎殼

卵而知攫

一有搏字

食決裂之事爾

殼古候切鳥子生而須哺曰殼自食曰雛

不為

其他凡食類之饑惟旦為甚今忍而釋之以有報也是不亦卓然有立者乎用其力而愛其死以忘其饑又遠而違

之非仁義之道耶恒其道一其志不欺其心斯固世之

所難得也余又疾夫今之說曰以煦煦而默

煦于遇切 又況羽切

也徐徐而俯者善之徒以翹翹而厲炳炳而白者暴之徒

今夫梟鴟晦於晝而神於夜

梟堅亮切不孝鳥也鴟音休鳥名博雅怪鴟也

鼠不

穴寢廟循牆而走是不近於煦煦者耶今夫鶻其立趯然

趯音述 跳也

其動若然

若呼說切皮音相離聲

其視的然其鳴革然是不

近於翹翹者耶由是而觀其所為則今之說為未得也孰若

鶻者吾願從之毛耶翮耶胡不我施寂寥太清樂以忘饑

祀朝日說

公貞元十八年為監察御史文正是時作禮記
玉藻天子玄端而朝日于東門之外周禮王者
措大圭執鎮圭藻五采五就以朝日國語魯語
天子大采朝日與三公九卿祖識地德少采夕
月與太史司載糾虔天刑注云朝
日以春分夕月以秋分也朝音潮

柳子為御史主祀事將朝日其僚問曰古之名曰朝日
而已今而曰祀朝日何也余曰古之記者則朝拜之云
也今而加祀焉者則朝旦之云也

昭朝音

今之所云非也

問者曰以夕而偶諸朝或者今之是乎余曰夕之名則

朝拜之偶也古者旦見曰朝暮見曰夕故詩曰邦君諸

侯莫肯朝夕左氏傳曰百官承事朝而不夕禮記曰日入

而夕又曰朝不廢朝暮不廢夕晉侯將殺豎襄叔向夕國語

平公射鳩不死使豎襄搏之失公怒將殺之叔向聞之夕以諫平公乃趣赦之注豎內豎襄名也聞之夕謂夕至于朝

也楚子之留乾谿右尹子革夕左氏昭公十二年楚師師圍徐楚子次于乾谿

以為之擬僕析父從右尹子革齊之亂子我夕史記齊簡公四

夕王見之注子革鄭丹夕莫見齊之亂子我夕簡公四

年春初簡公與父陽生之在魯也闕止有寵馬及即位使為政田成子憚之御鞅言諸簡公曰田闕不可並也

君其擇焉弗聽子我夕田逆故人逐之遂捕以入田氏方睦使囚病而遺守囚者酒醉而殺守者得亡子我盟

諸田于陳宗注闕止
子我也夕省事也

趙文子磬其椽張老夕

國語趙文子為室斲

其椽而磬之張老夕

智襄子為室美士茁夕

國語智襄子為室美

士茁夕馬注襄子智伯孫也
士茁智伯家臣茁反滑切

皆暮見也漢儀夕則兩郎向瑣闥

拜謂之夕郎亦出是名也

漢官儀故事黃門郎每日暮入對青瑣門拜故謂之夕郎

黃門郎今之
給事中云

故曰大采朝日小采夕月又曰春朝朝日

秋夕夕月若是其類足矣又加祀焉蓋不學者為之也
僚曰欲子之書其說吾將施於世可乎余從之

捕蛇者說

公謫永州時作當時賦敘之毒民其烈如此孔子過泰山側有婦人哭於墓而哀夫子式而聽之使子路問之曰子之哭也一似重有憂者而曰然昔者吾舅死於虎吾夫又死焉今吾子又死焉夫子曰何為不去也曰無苛政夫子曰小子識之苛政猛於虎也公取夫子之言以證捕蛇者之說理誠相似者

永州之野產異蛇黑質而白章觸草木盡死以齧人無禦之者然得而腊之以為餌可以已大風孿踠癩癩

孿字

緣切踠音宛曲脚也癩音漏說文頸腫也一曰久創癩音厲疾疫也去死肌殺三蟲其始

太醫以王命聚之歲賦其二募有能捕之者當其租入

永之人爭奔走焉有蔣氏者專其利三世矣問之則曰
吾祖死於是吾父死於是今吾嗣為之十二年幾死者
數矣言之貌若甚感者余悲之且曰若毒之乎余將告
於蒞事者更若役復若賦則何如蔣氏大感汪然出涕
曰君將哀而生之乎則吾斯役之不幸未若復吾賦不
幸之甚也嚮吾不為斯役則久已病矣自吾氏三世居
是鄉積於今六十歲矣而鄉鄰之生日蹙殫其地之出

殫音單
盡也

竭其廬之入呼號而轉徙飢渴而頓踣

音匍
匍音匍

觸

風雨犯寒暑呼噓毒癘往往而死者相藉也曩與吾祖

居者今其室十無一焉與吾父居者今其室十無二三

焉與吾居十二年者今其室十無四五焉非死而徙爾

而吾以捕蛇獨存悍吏之來吾鄉悍音早叫囂乎東西囂音虛

媯切一音教隳突乎南北突弛沒切譁然而駭者譁音華駭下楷切雖雞

狗不得寧焉吾恂恂而起視其缶恂音苟而吾蛇尚存則弛

然而卧謹食之時而獻焉退而甘食其土之有以盡吾

齒蓋一歲之犯死者二焉其餘則熙熙而樂豈若吾鄉

鄰之旦旦有是哉今雖死乎此比吾鄉鄰之死則已後
矣又安敢毒耶余聞而愈悲孔子曰苛政猛于虎也吾
嘗疑乎是今以蔣氏觀之猶信嗚呼孰知賦斂之毒有
甚是蛇者乎故為之說以俟夫觀人風者得焉

措說

禮記八蜡以記四方四方年不順成八蜡不通
以謹民財也順成之方其蜡乃通以移民也鄭
注云其方穀不熟則不通於蜡焉公貞元十九
年時為監察御史主祀事因有是說措音乍

柳子為御史主祀事將蜡進有司以問蜡之說則曰合

百神於南郊以為歲報者也先有事必質於戶部戶部

之詞曰旱於某水於某蟲蝗於某癘疫於某癘音厲疫前壁切

則黜其方守之神不及以祭予嘗學禮蓋思而得之則

曰順成之方其禘乃通若是古矣繼而嘆曰神之貌乎

吾不得而見也祭之饗乎吾不得而知也是其誕慢傲

悅誕音但慢謨官反又莫半切傲齒兩切悅謂往切傲悅驚貌冥冥焉不可執取

者夫聖人之為心也一無心也字必有道而已矣非于神也

蓋於人也以其誕慢傲悅冥冥焉不可執取而猶誅削

若此況其貌言動作之塊然者乎是設乎彼而戒乎此者也其旨大矣哉或曰若子之言則旱乎水乎蟲蝗乎癘疫乎未有黜其吏者而神黜焉而曰蓋於人者何也子曰若子之云旱乎水乎蟲蝗乎癘疫乎一無上十字豈人之

為耶故其黜在神暴乎眊乎上音胃目少精沓貪乎罷弱乎罷音

疾下非神為之也故其罰在人今夫在入之道則吾不

知也不明斯之道而存乎古之數其名則存其教之實則隱以為非聖人之意故嘆而云也曰然則致雨反風

金勝周公居東天大雷電以風蝗不為災虎負子而趨

王出郊天乃雨反風禾則盡起

宋均為九江太守郡多虎均到下令屬縣去其檻穿其

後傳言虎相與東游渡河又山陽楚沛多蝗其飛至九

江界者輒東西散去

是非人之為則何以余曰子欲知其以乎所

謂偶然者信矣必若人之為則十年九潦

郎到

八年七

早者獨何如人哉其黜之也苟明乎教之道雖去古之數可矣反是則誕慢之說勝而名實之事喪亦足悲乎

乘桴說

公為是論以為道之不行其避世者當如聖人之言皆元和後廢退窮商時作

子曰道不行乘桴浮於海

桴芳無切

從我者其由與子路

聞之喜子曰由也好勇過我無所取材說曰海與桴與

材皆喻也海者聖人至道之本所以浩然而游息石也

桴者所以游息之具也材者所以為桴者也易曰復其

見天地之心乎則天地之心者聖人之海也復者聖人

之桴也所以復者桴之材也孔子自以極生人之道不

得行乎其時

極一作拯

將復於至道而游息焉謂由也勇於

聞義果於避世故許其從之也其終曰無所取材云者

言子路徒勇於聞義果於避世而未得所以為復者也
此以退子路兼人之氣而明復之難耳然則有其材以

為其桴

一無其字

而游息於海其聖人乎子謂顏淵曰用

之則行舍之則藏唯我與爾有是夫由是而言以此追
庶幾之說

追一作迨

則回近得矣而曰其由也與者當是歎

也回死矣夫或問曰子必聖人之云爾乎曰吾何敢以
廣異聞且使遁世者得吾言以為學其於無悶也捷焉

而已矣

捷一作捷

說車贈楊誨之

楊誨之恐之子也恐以元和四年自京兆尹貶臨賀尉按地理志臨賀在嶺南道賀州之屬邑公時已在永誨之道永之賀公作是說以送然誨之猶以為柔外剛中則未必不為弊車柔外剛中未必不為常人反復論辨有二書見於集具別卷

楊誨之將行柳子起而送之門有車過焉指焉而告之曰若知是之所以任重而行於世乎材良而器攻圓其外而方其中然也材而不良則速壞工之為功也不攻則速敗中不方則不能以載外不圓則窒拒而滯方之

所謂者箱也圓之所謂者輪也匪箱不居匪輪不塗吾

子其務法焉者乎曰然曰是一車之說也非衆車之說

吾將告子乎衆車之說澤而杼山而侷杼直呂切周禮考工記行澤欲

杼行山欲侷上而輕下而軒且曳詩戎車既安如輕如軒輕音致祥而曠左

禮記祥車曠左注葬之乘車也革而長轂以戰革音殺巢焉而以望

巢本作轆省作巢兵高車加巢以望敵也春秋楚子登巢車安以愛老安安車也禮記大夫七十

而致仕乘安車輜音菑說文駟車前衣車後也字林載衣物車前後皆蔽輜以蔽內

自稱曰老夫若今垂綏而以畋禮記武載十二旒而以廟以郊以陳

於庭

周官中車王之五路一曰玉路建太常十有二旒以祀

其類衆也然而其要

存乎材良而器攻圓其外而方其中也是故任而安之

者箱

箱大車之箱也詩疏車內容物之處為箱

達而行之者輪恒中者軸揭

而固者蚤

揭音局執持也蚤當為爪考工記注蚤謂輻入牙中者也

長而撓進不罪

乎馬退不罪乎人者轅

考工記大車之轅擊其登又難既克其登其覆車也必易此無故

惟轅直且無撓也

却暑與雨者蓋

考工記輪人為蓋注蓋主為雨設也

敬而可伏

者軾

軾音式車前橫板隆起者也

服而制者馬若牛然後衆車之用

具今揚氏仁義之林也其產材良誨之學古道為古辭

沖然而有光其為工也攻果能恢其量若箱周而通之
若輪守大中以動乎外而不孿乎內若軸攝之以剛健
若蚤引馬而宜御乎物若轅高以遠乎污若蓋下以成
乎禮若軾險而安易而利動而法則庶乎車之全也詩
之言曰四牡駢駢六轡如琴孔氏語曰左為六官右為
執法此其以達於大政也凡人之質不良莫能方且恒
質良矣用不周莫能以圓遂孔子於鄉黨恂恂如也遇
陽貨必曰諾而其在夾谷也視叱齊侯類畜狗不震乎

其內後之學孔子者不志於是則吾無望焉耳矣誨之
吾戚也長而益良方其中矣吾固欲其任重而行于世
懼圓其外者未至故說車以贈

謫龍說

觀其說不可謂無是理然其末曰非其類而狎
其謫不可哉是蓋有所激而云當在貶謫後作

扶風馬孺子言年十五六時在澤州與羣兒戲郊亭上
頃然有竒女墜地有光曄然曄音儲被緞裘白紋之裏

曄音儲
光也

緞紵侯切
帛青赤色

首步搖之冠貴游少年駭且悅之稍狎焉竒

女嬃爾怒

嬃音丁切博雅
艷嬃怒色也

曰不可吾故居鈞天帝宮下

上星辰呼噓陰陽薄蓬萊羞崑崙而不即者帝以吾心

侈大怒而謫七日當復今吾雖辱塵土中非若儷也

儷即計切

偶也吾復且害若衆恐而退遂入居佛寺講堂焉及期進

取杯水飲之噓成雲氣五色脩脩也

脩音霄羽敬也

因取裘反

之化為白龍徊翔登天莫知其所終亦怪甚矣嗚呼非其類而狎其謫不可哉孺子不妄人也故記其說

復吳子松說

吳子武陵人也元和四年到永此文當繼是而
作然其氣有及于為天子求士者披辭窺貌終
不能知人則其
說又非徒作云

子之疑木膚有怪文與人之賢不肖壽夭貴賤果氣之
寓歟為物者裁而為之歟余固以為寓也子不見夫雲
之始作乎教怒衝涌救蒲沒切擊石薄水而肆乎空中偃然

為人拳然為禽敷舒為林木岵嶸為宮室岵音曷切誰

其搏而斲之者斲音卓風出洞窟流離百物經清觸濁呼

召竅穴上一作竅與夫草木之儷偶紛羅雕葩剡芒臭朽馨

香采色之赤碧白黃皆寓也無裁而為之者

一無之字

又何

獨疑茲膚之奇詭

詭古委切

與人之賢不肖壽夭貴賤參差

不齊者哉是固無情不足窮也然有可恨者人或權褒

貶黜陟為天子求士者皆學於聖人之道皆以仁義為

的皆曰我知人我知人披辭窺貌遂其聲而覈其所蹈

者以升而降其所升常多蒙瞽

音務又莫候切目不明

禍賊僻邪

罔人以自利者其所降率恒

一無恒字

多清明沖淳不為害

者彼非無情物也非不欲得其升降也然猶反戾若此

逾千百年乃一二人幸不出於此者徵之猶無以為告
今子不是病而木膚之問為物者有無之疑子胡橫訊
過詰擾擾焉如此哉

羆說

觀其說云楚之南有獵者亦到永州後作然言
四物之相畏不善內而恃外者未有不為羆之
食則在當時必
有所指而言也

鹿畏羆

初俱切釋文羆劉也
似羆能捕獸祭天

羆畏虎虎畏羆羆之狀被

髮人立絕有力而甚害人焉楚之南有獵者能吹竹為

百獸之音寂寂持弓矢罌火

上音鳥
瓦缶也

而即之山為鹿鳴

以感其類伺其至發火而射之麋聞其鹿也趣而至其
人恐因為虎而駭之麋走而虎至愈恐則又為羆虎亦

亡去羆聞而求其類至則人也拚搏挽裂而食之

拚昨
沒切

說文持
頭髮也

今夫不善內而恃外者未有不為羆之食也

觀八駿圖說

列子云周穆王不恤國事不樂臣妾肆意遠遊
命駕八駿之乘右服驕驄而左綠耳右騄赤驥
而左白羲次車之乘右服渠黃而左踰輪左騄
盜驪而右山子馳驅千里至于巨蒐氏之國遂

宿于崑崙之阿赤水之陽古書記穆王馳八駿
莫此為詳晉王嘉拾遺記又記八駿之名一曰
絕地二曰翻羽三曰奔霄四曰越影五曰踰輝
六曰超光七曰騰霧八曰挾翼其圖必本諸此
云

古之書有記周穆王馳八駿升崑崙之墟者後之好事者
為之圖宋齊以下一作來傳之觀其狀甚怪咸若騫若翔

若龍鳳麒麟若螳螂然其書尤不經世多有然不足采
世聞其駿也因以異形求之則其言聖人者亦類是矣
故傳伏犧曰牛首女媧公姓切曰其形類蛇孔子如俱頭

俱音欺
方相也

若是者甚衆孟子曰何以異於人哉堯舜與人

同耳今夫馬者駕而乘之或一里而汗或十里而汗或

數十里而不汗者視之毛物尾鬣四足而蹄齧草飲水

此下沒
切齧也

一也推是而至於駿亦類也今夫人有不足為

負販者有不足為吏者有不足為士大夫者有足為者

視之圓首橫目食穀而飽肉絺而清裘而燠一也推是

而至于聖亦類也然則伏犧氏女媧氏孔子氏是亦人

而已矣驂騮白義

音蝶
馬名

山子之類若果有之是亦馬而

已矣又烏得為牛為蛇為俱頭為龍鳳麒麟螳螂然也哉然
而世之慕駿者不求之馬而必是圖之似故終不能有得
於駿也慕聖人者不求之人而必若牛若蛇若俱頭之
間一作故終不能有得于聖人也誠使天下有是圖者
舉而焚之則駿馬與聖人出矣

柳河東集卷十六

柳河東集卷十七

唐 柳宗元 撰

傳八首

宋清傳

觀其文當作於謫永州後傳曰今之交有能望報如清之遠者乎幸而庶幾則天下之窮困廢辱得不死亡者衆矣豈非有怨于當時交遊者不為之汲引附炎奔蹇有愧于清之為者託是以諷

馬

宋清長安西部藥市人也居善藥有自山澤來者必歸

宋清氏清優主之長安醫工得清藥輔其方輒易讎

以上

頭切下音
售賣也咸譽清信能療病故病者

一作咸譽清疾病
疴瘍者疴卑履切

亦皆樂就清求藥異速已清皆樂然響應雖不持錢者

皆與善藥積券如山未嘗詣取直或不識遥與券清不

為辭歲終度不能報輒焚券終不復言市人以其異皆

笑之曰清虫安人也或曰清其有道者歟清聞之曰清

逐利以活妻子耳非有道也然謂我虫安者亦謬清居

藥四十年所焚券者百數十人或至大官或連數州受

俸博其餽遺清者相屬於戶雖不能立報而以賒死

賒

作者千百不害清之為富也清之取利遠遠故大豈若

小市人哉一不得直則怫然怒

佛音

再則罵而仇耳彼

之為利不亦翦翦乎

翦子
踐切

吾見蚩之有在也清誠以是

得大利又不為妄執其道不廢卒以富求者益衆其應
益廣或斥弃沉廢親與交視之落然者清不以怠遇其
人必與善藥如故一旦復柄用益厚報清其遠取利皆

類此吾觀今之交乎人者炎而附寒而弃鮮有能類清之為者世之言徒曰市道交嗚呼清市人也今之交有能望報如清之遠者乎幸而庶幾則天下之窮困廢辱得不死亡者衆矣市道交豈可少耶或曰清非市道人也柳先生曰清居市不為市之道然而居朝廷居官府居庠塾鄉黨以士大夫自名者反爭為之不已悲夫然則清非獨異於市人也

種樹郭橐駝傳

據傳曰其鄉曰豐樂在長安西當在貞元末年為
藍田尉前後作其曰問養樹得養人其益于為政
者豈獨當時然哉取其道而移之官
則民得安其生矣橐音託馳徒何切

郭橐馳不知始何名病瘻

隴主切 疔瘻 釋文 偃疾

隆然伏行有類橐

馳者故鄉人號之馳馳聞之曰甚善名我固當因捨其名

亦自謂橐馳云其鄉曰豐樂鄉在長安西馳業種樹凡長

安豪

一有 人字

富人為觀遊及賣果者皆爭迎取養視馳所種

樹或移徙無不活且碩茂蚤實以蕃他植者雖窺伺倣慕
莫能如也有問之對曰橐馳非能使木壽且尊也

尊音字 乳化曰

尊又津之切以能順木之天以致其性焉爾凡植木之性其本

欲舒其培欲平其土欲固其築欲密既然已勿動勿慮去

一作亦不復顧其蔕也若子詩音侍種也其置也若棄則其天者全

而其性得矣故吾不害其長而已非有能碩茂之也不抑耗其實而已非有能蚤而蕃之也他植者則不然根拳而

土易其培之也若不過焉則不及一有焉字苟有能反是者則

又愛之太恩憂之太勤旦視而暮撫已去而復顧甚者爪其膚以驗其生枯搖其本以觀其疎密而木之性日以

離矣雖曰愛之其實害之雖曰憂之其實讎之故不我

若也吾又何能為問者曰以子之道移之官理可乎馳

曰我知種樹而已理非吾業也然吾居鄉見長人者好

煩其令若甚憐焉而卒以禍旦暮吏來而呼曰官命促

爾耕勗而植

勗呼五切勉也

督爾獲蚤繅而緒

繅蘇曹切繅繭為緒

蚤織

而縷字而幼孩遂而雞豚鳴鼓而聚之擊木而召之吾

小人輟飧饗以勞吏者且不得暇又何以蕃吾生而安

吾性耶故病且怠若是則與吾業者其亦有類乎問者

嘻

一作喜

曰不亦善夫吾問養樹得養人術焉傳其事以

為官戒

童區寄傳

詳其文當在柳州時作其曰桂部從事為余言之則非謫永時文也

柳先生曰越人少恩生男女必貨視之

必一作以

自毀齒以

上父兄鬻賣

上音育

以覲其利不足則盜取他室束縛鉗

牯之

鉗其廉切牯姑沃切

至有鬚鬣者

鬚音獵

力不勝皆屈為僮當

道相賊殺以為俗幸得壯大則縛取么弱者漢官因為

已利苟得僮恣所為不問以是越中戶口滋耗少得自
脫惟童區寄以十一歲勝亦奇矣桂部從事杜周士為
余言之童寄者郴州羗牧兒也行牧且羗二豪賊劫持
反接布囊其口去逾四十里之虛所賣之

南越中謂
野市曰虛

寄

偽兒啼恐慄為兒恒狀賊易之對飲酒醉一人去為市一
人卧植刃道上童微伺其睡以縛背刃力下上得絕因
取刃殺之逃未及遠市者還得童大駭將殺僮遽曰為
兩郎僮孰若為一郎僮耶彼不我恩也郎誠見完與恩

無所不可市者良久計曰與其殺是僮孰若賣之與其
賣而分孰若吾得專焉

一有然字

幸而殺彼甚善即藏其尸

持童抵主人所愈束縛牢甚夜半童自轉以縛即爐火
燒絕之雖瘡手勿憚復取刃殺市者因大號一虛皆驚
童曰我區氏兒也不當為僮賊二人得我我幸皆殺之
矣願以聞於官虛吏白州州白大府大府召視兒幼愿
耳刺史顏証竒之

証音正又
之或切

留為小吏不肯與衣裳吏

護還之鄉鄉之行劫縛者側目莫敢過其門皆曰是兒

少秦武陽二歲而討殺二豪豈可近耶

戰國策燕太子丹欲以匕首刺

秦王燕國有勇士秦武陽年十三殺人不敢忤視乃令為荆軻副而往之史記作每陽

梓人傳

傳蓋託物以寓意端為佐天子相天下進退人才設也其曰裴封叔之第在光德里又云其後京兆尹將飾官舍余往過焉此文當作於貞元十七年後調藍田尉及將拜監察御史時作封叔終萬年令公誌其墓見別卷

裴封叔之第在光德里有梓人款其門願傭隙宇而處

馬

隙去逆切說文院塞也

所職尋引規矩繩墨家不居斲斷之器

斲音斲 斷音卓 問其能曰吾善度材視棟宇之制高深圓方短

長之宜吾指使而羣工役焉捨我衆莫能就一字故食

於官府吾受祿三倍作於私家吾收其直大半焉他日

入其室其牀闕足而不能理曰將求他工余甚笑之謂

其無能而貪祿嗜貨者其後京兆尹將飾官署余往過

焉委羣材會衆工或執斧斤或執刀鋸皆環立嚮之梓

人左持引右執杖而中處焉量棟宇之任視木之能舉

揮其杖曰斧彼執斧者奔而右顧而指曰鋸彼執鋸者趨

而左俄而斤者斲刀者削皆視其色俟其言莫敢自斷者其不勝任者怒而退之亦莫敢愠焉畫宮於堵盈尺而曲盡其制計其毫釐而構大厦無進退焉既成書于上棟曰某年某月某日某建則其姓氏也凡執用之工不在列余園視大駭然後知其術之工大矣繼而歎曰彼將捨其手藝專其心智而能知體要者歟吾聞勞心者役人勞力者役于人彼其勞心者歟能用而智者謀彼其智者歟是足為佐天子相天下法矣物莫近乎此也

彼為天下者本於人其執役者為徒隸為鄉師里胥其上為下士又其上為中士為上士又其上為大夫為卿為公離而為六職判而為百役外薄四海有方伯連率郡有守邑有宰皆有佐政其下有胥吏又其下皆有嗇夫版尹以就役焉猶眾工之各有執伎以食力也彼佐天子相天下者舉而加焉指而使焉條其綱紀而盈縮焉齊其法制而整頓焉猶梓人之有規矩繩墨以定制也擇天下之士使稱其職居天下之人使安其業視都知

野視野知國視國知天下其遠邇細大可手據其圖而
究焉猶梓人畫宮于堵而績於成也能者進而由之使無
所德不能者退而休之亦莫敢愠不銜能

銜音縣行
且責也

不

矜名不親小勞不侵衆官日與天下之英才討論其大
經猶梓人之善運衆工而不伐藝也夫然後相道得而
萬國理矣相道既得萬國既理天下舉首而望曰吾相
之功也後之人循跡而慕曰彼相之才也士或談殷周
之理者曰伊傅周召其百執事之勤勞而不得紀焉猶

梓人自名其功而執用者不列也大哉相乎通是道者所謂相而已矣其不知體要者反此以恪勤為公以簿書為尊術能矜名親小勞侵眾官竊取六職百役之事

听听於府廷

听魚隱切
听然笑也

而遺其大者遠者焉所謂不通

是道者也猶梓人而不知繩墨之曲直規矩之方圓尋引之短長姑奪眾工之斧斤刀鋸以佐其藝又不能備其工以至敗績用而無所成也不亦繆歟或曰彼主為室者儻或發其私智牽制梓人之慮奪其世守而道謀

是用雖不能成功豈其罪耶亦在任之而已余曰不然
夫繩墨誠陳規矩誠設高者不可抑而下也狹者不可
張而廣也由我則固不由我則圯部部切
毀也彼將樂去固
而就圯也則卷其術默其智悠爾而去不屈吾道是誠
良梓人耳其或嗜其貨利忍而不能捨也喪其制量屈
而不能守也棟橈屋壞則曰非我罪也可乎哉可乎哉
余謂梓人之道類於相故書而藏之梓人蓋古之審曲
面勢者今之都料匠云余所遇者楊氏潛其名

李赤傳

自謂歌詩類李白而未其名狂士也其所養可知矣傳所載當不誣其曰今世皆知笑赤之惑也反修而身無以欲利好惡運其神而不返則幸耳誠有旨哉其曰赤之名聞江湖間亦永州

時作

李赤江湖浪人也嘗曰吾善為歌詩詩類李白故自號曰李赤遊宣州州人館之其友與俱遊者有姻焉間累日乃從之館赤方與婦人言其友戲之赤曰是媒我也吾將娶乎是友大駭曰足下妻固無恙太夫人在堂安

得有是豈狂易病惑耶

易音亦

取絳雪餌之赤不肯有間

婦人至又與赤言即取巾經其脰赤兩手助之舌盡出

其友號而救之婦人解其中走去赤怒曰汝無道吾將

從吾妻汝何為者赤乃就牖間為書輾而圓封之

輾音展又

足展女箭二切
卧不閤口曰輾

又為書博封之訖如廁久

一有而字

其友從

之見赤軒廁抱甕詭笑而側視勢且下入乃到曳得之又大

怒曰吾已升堂面吾妻之容吾妻之容世固無有堂之飾宏

大富麗椒蘭之氣油然而起顧視汝之世猶溷廁也

溷胡切

而吾妻之居與帝居鈞天清都無以異若何苦余至此哉然後其友知赤之所遭乃厠鬼也聚僕謀曰巫去是厠遂行宿三十里夜赤又如厠久從之且復入矣持出洗其污衆環之以至旦去抵他縣縣之吏方宴赤拜揖跪起無異者酒行友未及言飲已而顧赤則已去矣走從之赤入厠舉其牀捍門門堅不可入其友叫且言之衆發牆以入赤之面陷不潔者半矣又出洗之縣之吏更召巫師善呪術者守赤赤自若也夜半守者怠皆睡

及覺呼而求之見其足於廁外赤死久矣獨得尸歸其
家取其所為書讀之蓋與其妻母訣其言辭猶人也柳
先生曰李赤之傳不誣矣是其病心而為是耶抑固有
廁鬼耶赤之名聞江湖間其始為士無以異於人也一
惑於怪而所為若是乃反以世為溷溷為帝居清都其
屬意明白今世皆知笑赤之感也及至是非取與向背
決不為赤者幾何人耶反修而身無以欲利好惡遷其
神而不返則幸矣

一作
耳

又何暇赤之笑哉

蝨蝨傳

作之年月無見焉然傳之所言蓋指當時用事
貪取滋甚者必元和後既棄黜而作蝨音負蝨

音版

蝨蝨者善負小蟲也行遇物輒持取印其首

印音昂亦作仰

負

之背愈重雖困劇不止也其背甚澀物積固不散

固一作因

卒躓仆

上知利切下音赴又音副

不能起人或憐之為去其負苟能

行又持取如故又好上高極其力不已至墜地死今世
之嗜取者遇貨不避以厚其室不知為已累也惟恐其

不穆及其急而躓也黜奔之遷徙之亦以病矣苟能起
又不艾日思高其位大其祿而貪取滋甚以近於危墜
觀前之死亡者曾不知戒雖其形魁然大者也其名入
也而智則小蟲也亦足哀一作夫

曹文洽常道安傳

原闕

傳諸本皆闕然集中有常道安詩言其事甚詳
觀其詩則傳之意可見矣題云曹文洽常道安
傳則事必相關查詩所謂自言故刺史
者耶或與道安同教刺史之急者也

柳河東集卷十七

謹案卷十五第四頁後二行師直為壯曲為老刊
本二為字脫據僖二十八年左傳增

卷十六第五頁前七行則朝旦之云也刊本旦訛
拜據郭雲鵬本及唐文粹改

第九頁前六行非神為之也刊本也訛耶據唐文
粹及文苑英華改

第十二頁前五其覆車也必易刊本易訛矣據
考工記改

第十四頁前五行擊石薄水刊本水訛木檢郭雲
鵬本同案此用禮記山川出雲意作水字是據
校宋本改正


第十五頁後一行寂寂持弓矢嬰火刊本寂寂訛
昔云據郭雲鵬本改

第十六頁後三行或數十里而不汗者刊本數十
訛千百據文苑英華改

卷十七第十頁後五行飲已而顧赤則已去矣刊

本飲已訛已飲據唐文粹改





總校官候補中書臣吳紹濬

校對官編修臣裴謙

騰錄監生臣范相

騰錄監生臣孟啟疆

欽定四庫全書薈要

集部

柳河東集卷十八
九

詳校官助教臣常楮



柳河東集卷十八

唐 柳宗元 撰

一十首

乞巧文

荆楚歲時記七夕婦人以綵縵穿七孔針陳几
筵酒脯瓜果於庭中以乞巧或云見天漢中奕
奕白氣有光五色以為徵應見者得福此乞巧
之所自也然公假是以自見其拙於謀已耳文
曰貶名絕命不負所知此文當作於貶謫之後
皆元和以後作是無咎取此文以變離騷系之



曰周鼎鑄倭而使吃其指先王以見大巧之不可為也故子貢教抱甕者為桔槔用力少而見功多抱甕者羞之夫鳩不巢拙莫比馬而屈原乃曰雄鳩之鳴逝兮吾獨惡其佻巧原誠傷世澆偽因詆拙以為巧意昔之不然者今皆然矣甚之者宗元之作雖亦閔時奔驚要歸諸厚然宗元愧拙矣

柳子夜歸自外庭有設祠者餐餌馨香

餐諸廷切厚粥也餌仍吏切

蔬果皆羅插竹垂綏剖瓜犬牙且拜且祈怪而問焉女

隸進曰今茲秋孟七夕天女之孫將嬪於河鼓

吳均齊記云七

月七日織女當渡河暫詣牽牛爾雅曰河鼓謂之牽牛

邀而祠者幸而與之巧驅

去蹇拙手目開利組紕縫製將無滯於心焉為是禱也
柳子曰苟然歟吾亦有所大拙儻可因是以求去之乃

纓弁束衽促武縮氣旁趨曲折偃僂將事再拜稽首稱

臣而進曰下土之臣竊聞天孫專巧于天轆轤上音交
下音葛

璇璣經緯星辰能成文章黼黻帝躬以臨下民欽聖靈

仰光耀之日久矣今聞天孫不樂其獨得貞卜於玄龜

將蹈石梁歎天津儷於神夫于漢之濱兩旗開張中星

耀芒

晉天文志左旗九星在天河鼓左
旁右旗亦如之而河鼓居其中

靈氣翕歔

呼勿切

茲辰之良幸而弭節薄遊民間臨臣之庭曲聽臣言臣
有大拙智所不化醫所不攻威不能遷寬不能容乾坤
之量包含海岳臣身甚微無所投足蟻適于垤蝸休于

殼龜鼃螺蚌

上音龜
下音蚌

皆有所服臣物之靈進退唯辱仿

佯為狂局束為諂吁吁為詐坦坦為忝他人有身動必
得宜周旋獲笑顛倒逢喜已所尊昵人或怒之變情徇
勢射利抵巇音義山險也中心甚憎為彼所竒恐仇佯喜悅
譽遷隨胡執臣心常使不移反人是已曾不惕疑貶名

絕命不負所知抹嘲似傲貴者啟齒臣旁震驚彼且不

恥叩稽匍匐言語譎詭令臣縮慙

女六切
慙也

彼則大喜臣

若效之瞋怒叢已彼誠大巧臣拙無比王侯之門狂吠

狴犴

上音陞又邊
連切下音岸

臣到百步喉喘顛汗睚眦逆走魄遁

神叛欣欣巧夫徐入縱誕毛羣掉尾百怒一散世途昏

險擬步如漆左低右昂鬪冒衝突鬼神恐悸聖智危慄

泯焉直透所至如一是一獨何工縱橫不恤非天所假彼

智焉出獨嗇於臣恒使玷黜沓沓騫騫恣口所言迎知

喜惡默則憎憐搖唇一發徑心中原膠如鉗夾誓死無

逸探心扼膽踊躍拘牽彼雖佯退胡可得旃獨結臣舌

暗抑銜冤暗音陰擘背流血一辭莫宣胡為賦授有此奇

偏眩耀為文瑣碎排偶抽黃對白唵哢飛走唵音奔哢音弄鳥聲

駢四儷六錦心綉口宮沈羽振笙簧觸手觀者舞悅誇

談雷吼獨溺臣心使甘老醜噀昏莽鹵撲鈍枯朽不期

一時以俟悠久旁羅萬金不驚弊帚跪呈豪傑投棄不

有眉曠頰蹙曠音頌目恨張也頰音過啄唾胃歐啞音大赦而歸赦乃版切

填恨低首天孫司巧而窮臣若是卒不余畀獨何酷歟

敢願聖靈悔禍矜臣獨艱付與姿媚易臣頑顏鑿臣方

心規以大圓拔去訥古訥與同納以工言文詞婉軟步武

輕便平聲齒牙饒美眉睫增妍突梯卷厲上音舉下音舉為世所

賢公侯卿士五屬十連王制五國以為屬屬有長十國以為連連有師屬音注彼

獨何人多享終天言訖又再拜稽首俯伏以俟至夜半

不得命疲極而睡見有青裋朱裳裋音袖衣袂也手持絳節而

來告曰天孫告汝汝詞良苦凡汝之言吾所極知汝擇

而行嫉彼不為汝之所欲汝自可期胡不為之而誑我
為汝唯知恥諂貌淫詞寧辱不貴自適其宜中心已定
胡妄而祈堅汝之心密汝所持得之為大失不汙卑凡
吾所有不安汝施致命而昇汝慎勿疑嗚呼天之所命
不可中革泣拜欣受初悲後懌抱拙終身以死誰惕不安
一作不敢

罵尸蟲文 并序

酉陽雜俎載人有三尸上尸清始代人眼中尸
白姑代人五藏下尸血姑代人胃命凡庚申日

三尸言人過於帝古語云三守庚申三尸伏七
守庚申三尸滅公之此文非曰誠然蓋有所寓
焉耳公自貞元十九年以御史裏行善王叔文
事執誼二人者奇其才及得政引內禁近與計
事擢禮部員外郎俄而叔文敗公貶鄆州刺史
不半道貶永州司馬然宰相宸才且因符深濯
用之會程昇復起領運務乃詔補袁州刺史而
武元衡方執政誅官頗言不可用遂罷當時之
諛公者衆矣假尸蟲以嫉其惡端
有所指也當在元和調永後作

有道士言人皆有尸蟲三處腹中同人隱微失誤輒籍
記日庚申幸其人之昏睡出讒于帝以求饗以是人多
謫過疾癘天死柳子特不信一無特字曰吾聞聰明正直者

為神帝神之尤者

一無者字

其為聰明正直宜大也安有下

比陰穢小蟲縱其狙詭延其變詐以害于物而又悅之
以饗其為不宜也殊甚吾意斯蟲若果為是則帝必將
怒而戮之投于下土以殄其類俾夫人咸得安其性命
而苛慝不作然後為帝也余既處卑不得質之于帝而
嫉斯蟲之說為文而罵之

來尸蟲汝曷不自刑

一作形

其形陰幽跪側而寓乎人

一跪

作以賊厥靈膏肓是處兮不擇穢卑潛窺默聽兮

窺一作覷

此居七
據二切 導人為非冥持札牘兮搖動禍機卑陬拳縮兮

宅體險微以曲為形以邪為質以仁為凶以僭為吉以

淫諛諂誣為族類以中正和平為罪疾以通行直遂為

顛蹶以逆施反鬪為安佚諧下謾上謾諛官切欺也恒其心術

妬人之能幸人之失利昏伺睡旁晚竊出晚五計反走讒于

帝遠入自屈暴然無聲暴音免其意乃畢求味已口胡人

之恤彼脩蛭恙心蛭胡恢切人腹中長蟲也短蟻穴胃蟻如消去消二切腹中虫

也 外搜疥癘疥癩瘡也癘瘧疾氣也下索瘻痔瘻力闕切瘡也痔治里切後病也痔侵

人肌膚為已得味世皆禍之則惟汝類良醫刮殺聚毒
攻餌旋死無餘乃行正氣汝雖巧能未必為利帝之聰
明宜好正直寧懸嘉饗答汝讒慝以付九闕貽虎豹食

楚詞宋玉招鬼詞虎豹九闕啄害下人言天門九重
使神虎豹執其闕閉主啄齧天下欲上之人而殺之下

民舞躍荷帝之力是則宜然何利之得速收汝之生速

滅汝之精辱收震怒辱收天之刑神禮記
孟秋之月其神尊收將勅雷霆擊

汝鄩都鄩音糜爛縱橫俟帝之命乃施于刑羣邪殄夷

大道顯明害氣永草厚人之生豈不聖且神歟祝曰尸

蟲逐禍無所伏下民百祿惟帝之功以受景福尸蟲誅
禍無所廬下民其蘇惟帝之德萬福來符臣拜稽首敢
告于玄都

斬曲几文

觀其文蓋指當時以詔曲獲用者其言或因先
容以售其端則必有所指明矣繼之以病夫甘
焉乃喜茲物以為已適則又以見用者不明棄
直而用曲則不才者進其旨微矣皆敗謫後作

與前篇相

後先云

后皇植物

楚辭九章后皇嘉樹橘徠服兮注后后土也皇皇天也

所貴乎直聖主

取焉

主一作王

以建家國巨為棟楹

上音凍下音盈

齊為閭闕

上苦本切

下音域

外隅平端中室謹飭

一作飾

度焉以几

度時落切

維量之

則君子馮之以輔有德

一作其德

末代淫巧不師古式斷茲

揉木

揉屈伸木也

以限肘腋欹形詭狀曲程詐力制類竒邪

上音時下音表

用絕繩墨勾身陋狹危足僻側支不得舒脅不

遑息余胡斯蓄以亂人極追咎厥始惟物之殘稟氣失

中遭生不完託地境垤

上口交切何休公羊注曰境垤不生五穀曰不毛垤徒結切螻冢也

反時煥寒鬱悶

一作閉

結澀瘞蹇

一作塞

艱難不可以遂遂

虧其端離奇詰屈縮慝嶺坑

上音攢下五官切銳上也高也

含蝎孕蠹

蝎胡葛切木中蠹蟲也蠹音姑

外邪中乾

音干

或因先容以售其蟠

售音奇蟠

音盤鄒陽書蟠木根抵輪困離奇而為萬乘器者以左右為之先容也

病夫甘焉制器以

安彼風毒敗形陰沴遷魄

沴閏計切相傷為之沴

禍氣侵骨淫神

化脉體仄筋倦榮乖衛逆乃喜茲物以為已適器之不

祥莫是為敵烏可昵近以招禍癖

音僻

且人道甚惡惟曲

為先在心為賊在口為愆在肩為僂在膝為孽戚施跂

跂

上舉倚切曲也下丘弭切有跂踵國其人行脚跟不着地

匍匐拘拳古皆斥遠莫

致於前問誰其類惡木盜泉

選陸士衡猛虎行渴不飲盜泉水熱不息惡木陰

朝歌回車

鄒陽書邑號朝歌墨子回車晉灼曰紂作朝歌之音朝歌者不時也

簡牘載焉

昭王市骨樂毅歸燕

燕昭王厚幣以招賢者郭隗曰古之人君有以千金使涓人求千里

馬者馬已死買其骨五百金而返君大怒涓人曰死馬且買况生者乎不期年千里之馬至者三今王致士先從隗始况賢於隗者哉昭王為隗改築宮而師事之於是士爭趨燕樂毅自魏往以為亞卿

今我斬

此以希古賢諂諛宜惕正直宜宣道焉是達法焉是專

咨爾君子曷不乾乾

音虔易君子終日乾乾

既和且平獲祐于天

去惡在微慎保其傳

宥蝮蛇文 并序

與前文先後永州作晁太史無咎取罵尸蟲憎
王孫并此宥蝮蛇文以附變騷系之曰騷騷以
此龍鸞鳳託君子以惡禽臭物指讒佞王孫尸
蟲毒蛇小人讒佞之類也其憎之也罵之也投
畀有北之意也其宥之也以遠小人不惡而
嚴之意也蓋離騷備此義而宗元放之焉

家有僮善執蛇晨持一蛇來謁曰是謂蝮蛇

蝮音覆
毒蛇也

於人死不活又善伺人聞人咳喘步驟輒不勝其毒捷

取巧噬音肆其害然或憊苦羣切不得於人則愈怒反

警

恨也

也

也

齧草木草木立死後人來觸死莖猶墮指擊腕腫足

摩

緣切脫鳥貫
切腫時勇切

為癆病必殺之是不可留余曰汝惡得之

曰得之榛中曰榛中若是者可既乎曰不可其類甚博
余謂僮曰彼居榛中汝居宮內彼不汝即而汝即彼犯
而鬪死以執而謁者汝實健且險以輕近是物然而殺
之汝益暴矣彼耕獲者求薪蘇者皆土其鄉知防而入
焉執耒操鞭持芟樸以遠其害汝今非有求於榛者也
密汝居易汝庭不凌奧不步閭是惡能得而害汝且彼
非樂為此態也造物者賦之形陰與陽命之氣形甚怪

僻氣甚禍賊雖欲不為是不可得也是獨可悲憐者又孰能罪而加怒焉汝勿殺也余悲其不得已而所為若是叩其脊諭而宥之其辭曰

吾悲乎

一作夫

天形汝軀絕翼去足無以自扶曲脊屈脇

惟行之紆目兼蜂蠆

上音峯下田邁切

色混泥塗其頭

一作頭

感

恧其腹次且

上七私切下七余切

蹇鼻鈎牙穴出榛居蓄怒而蟠

銜毒而趨志斬害物陰妬潛狙

子余切

汝之稟受若是雖

欲為蠹為蟻

蠹音蛙蟻基也蟻戈恐切蠹蟻也螳蟻反行即寒蚓也

焉可得已凡

汝之為惡非樂乎此緣形役性不可自止草搖風動百

毒齊起首拳脊努呷舌搖尾

冉呷音

不呈其凶若病乎已

世皆寒心我獨悲爾吾將薙吾庭

雜他計
切除草

葺吾楹室

一作

嘗吾垣嚴吾扃俾與草不植而穴隙不萌

隙去逆切
義與隙同

與

汝異途不相交爭雖汝之惡焉得而行嘻造物者胡甚

不仁而巧成汝質既稟乎此能無危物賊害無辜惟汝

之實陰陽為戾假汝忿疾余胡汝尤是戮是扶

音

宥汝

于野自求終吉彼樵豎持芟農夫執耒不幸而遇將除

其害餘力一揮應手糜碎我雖汝活其惠實大他人異
心誰釋汝罪形既不化中焉能悔嗚呼悲乎汝必死乎
毒而不知反訟其內今雖寬焉後則誰贖一作陰陽爾
造化爾道烏乎在可不悲歟

憎王孫文

與前文先後永州作後漢王延壽嘗為王孫賦
有云顏狀類乎老公軀體似乎小兒則猴之類
而小者也

猿王孫居異山德異性不能相容猿之德靜以恒類仁

讓孝慈居相愛食相先行有列飲有序不幸乖離則其

鳴哀有難

乃旦切

則內其柔弱者不踐稼蔬木實未熟相

與視之謹既熟嘯呼羣萃然後食行行焉山之小草木

必環而行遂其植故猿之居山恒鬱然王孫之德躁以

鷲

虛驕切又牛乃切

勃諍號呶

上音豪下尼交切

喞喞彊彊

喞子夜切又則伯切

雖羣不相善也食相啜齧

況言切

行無列飲無序乖離而

不思有難推其柔弱者以免好踐稼蔬所過狼藉披攘

木實未熟輒齧齧

上下結切下五較切

投注竊取人食皆知自實

其嘽

音歎以類聚食曰嘽

山之小草木必凌挫折挽使之瘁然後

已故王孫之居山恒蒿然以是後羣衆則逐王孫王孫

羣衆亦齧猿

上仁羊切齧也一作齧

後棄去終不與抗然則物之

甚可憎莫王孫若也余棄山間久見其趨如是作憎王

孫云

湘水之泚泚兮

湘水出零陵郡

其上羣山胡茲鬱其彼瘁兮善

惡異居其間惡者王孫兮善者後環行遂植兮止暴殘

王孫兮甚可憎噫山之靈兮胡不賊旃跳踉

上徒彫切下呂唐切

叫囂兮衝目宣斷

魚斤切
齒根肉

外以敗物兮內以爭羣排鬪

善類兮譁駭披紛

譁音華駭
下播切

盜取民食兮私已不分充

嗛果腹兮

莊子腹猶果然音如
字又苦火反飽貌

驕傲驩欣嘉華美木兮碩

而繁羣披競齧兮枯株根毀成敗實兮更怒喧居民

怨苦兮號穹旻

號音豪
旻音珉

王孫兮甚可憎噫山之靈兮胡

獨不聞援之仁兮受逐不校退優游兮惟德是做廉來

同兮聖囚

蜚廉惡來紂之臣
紂囚西伯美里

禹稷合兮凶誅

謂舜用禹
稷去四凶

也羣小人

一無
人字

遂兮君子遠大人聚兮孽無餘善與惡

不同鄉兮否泰既兆其盈虛

否備部切

伊細大之固然兮乃

禍福之攸趨王孫兮甚可惜噫山之靈兮胡逸而居

遂畢方文

并序

元和十八年公尚為永州司馬至十年方召至京師當在八年夏作

永州元和七年夏多火災日夜數十發少尚五六發過

三月乃止八年夏又如之咸無安處老弱燔死

燔音煩

晨

不爨

取亂切

夜不燭皆列坐屋上左右視罷不得休

罷音疲

蓋類物為之者訛言相驚云有怪鳥莫實其狀山海經

云章義之山有鳥如鶴一足赤文白喙其名曰畢方見

則其色有譌火

上五戈切
妖言曰譌

若今火者其可謂譌歟而又

有鳥傳者其畢方歟遂邑中狀而圖之禳而磔之

磔列也張

格切為之文而逐之

后皇庇人兮敬救羣材大施棟宇兮小蔽草萊各有攸

宅兮時闔而開火災為用兮化食生財胡今茲之怪戾

兮日十藝而窮災

藝如劣切

朝儲清以聯邃兮夕蕩覆而為

灰焚傷羸老兮炭死童孩叫號隳突兮戶駭人哀袒夫

狂走兮倏忽往來鬱彼孽暴兮

暴音

混合恢台

騷云收
快與之

孟夏

民氣不舒兮僵踣顛頽

僵音薑
踣音北切

休炊息燎兮側

伏煨煤門薨晦黑兮啟伺姦回若墜

一作

之天兮若生

之鬼令行不訛兮國恐蓋已問之禹書

山海經乃禹
所撰故云

畢

方是崇

音

嗟爾畢方兮胡肆其志皇亶聰明兮念此下

地災皇所愛兮僂死無貳幽形扇毒兮陰險詭異汝今

不懲兮衆愬咸至

愬音

皇斯震怒兮殄絕汝類祝融悔

禍兮

祝融大神晉語黎為高辛氏火正光熙
四海命之曰祝融注祝始也融明也

回祿屏氣

四祿火神也

大陰施威兮玄冥行事

楚辭九歎考玄冥於空桑注玄冥太陰之神

汝雖赤其文隻其趾逞工銜巧莫救汝死黠知巫去兮

點下八切愚乃止此高飛兮翱翔遠伏兮無傷海之南兮天

之裔汝優游兮可卒歲皇不怒兮永汝世日之良兮今

速逝急急如律令

辨伏神文 并序

據集元和四年與李建書云僕自去年八月來
痼疾稍已又與楊憑書云一二年來痞氣尤甚
又云每人大言則蹶氣震怖撫心而撫臆不
能自止此文自言病痞且悖作於永州時也

余病痞且悸

痞部郵切

謁醫視之曰唯伏神為宜明日買諸

市烹而餌之病加甚召醫而尤其故醫求覲其滓

壯士切

也曰吁盡老芋也彼鬻藥者

鬻音育

欺子而獲售子之惜

也而反尤於余不以過乎余戍然慙愧然憂

懣口推是

推是

類也以往則世之以芋自售而病乎人者衆矣又誰辨

焉申以詞云

伏神之神兮惟餌之良愉心舒肝兮魂平志康
毆開滯

結兮既音區調護柔剛和寧悅懌兮復彼恒常
休嘉訢合

兮新音邪怪遁藏君子食之兮其樂揚揚余殆於理兮

榮衛蹇極伏孟積塊兮悒不得息有醫導余兮求是以

食往沽之市兮欣焉有得徐濯囊烹兮專恃爾力反增

予疾兮昏憤馮塞憤胡對切余駭其狀兮往尤于醫徵率以

觀兮既笑而嘻曰子胡昧愚兮茲謂蹲鴟上音存下處脂切蹲鴟茅

也魁處身猥大兮善植圩卑受氣頑昏兮陰僻欹危奇切

亦作飲累積星紀兮以老為奇潛苞水土兮混雜蠖蚘上推

軀切蠖子也下文觀切蠖卵也不幸充腹兮唯痼之宜野夫伎害兮音伎

也。實假是以欺。刮肌刻貌。兮觀者勿疑。中虛以脆兮。外澤而夷。誤而為餌兮。命或殆而無以追兮。後慎觀之。嗚呼。物固多偽兮。知者蓋寡。考之不良兮。求福得禍。書而為詞兮。願寤來者。

懇螭文 并序

零陵永州郡名。文作於元和未召之時。

零陵城西有螭于江。螭且法曹史唐登浴其涯。音螭牽

以入一夕。一作昔浮水上。吾聞凡山川必有神司之。抑有

是耶於是作螭螭投之江曰

天明地幽孰主之分

莊子天其運乎地其處乎孰主張是

壽善夭殤終何為

兮堆山醜江

醜山宜所綺二切

司者誰兮突然為人使有知兮畏危

慮害趨走祇兮父母孔愛妻子嘻兮出入公門不獲非兮激

激湘流

激音攸水流

清且微兮陰幽洞石蓄怪螭兮胡濯茲熱卒

無歸兮親戚叫號閭里思兮魂其安游覲湘景兮

揚雄反離騷因

江潭而注記兮欽弔楚之湘景注景刀追切諸不以犯罪死曰景屈原赴湘死故曰湘景也

嗟爾怪螭

害江渚兮

渚音眉

涎泳重淵

涎徐連切淵一作瀾

物莫威兮鰲形決目

蟻力幽巨
糾二切

潛伺窺兮膏血是利私自肥兮歲既大旱澤

莫施兮妖猾下民使顛危兮充心飽腹肆教嬉兮洋洋

往復流逶迤兮

上於危切
下音移

惟神高明胡縱斯兮度棄無

辜逞怪姿兮胡不降罰肅川坻兮舟者欣欣游者熙兮

蒲魚侵用吉無疑兮牲牲玉帛人是依兮匪神之愬將

安期兮神之有亡於是推兮投之北流心孔悲兮

哀溺文

并序

零陵永州郡名文蓋指事以寓意其曰得不
有大貨之溺大氓者乎蓋端指貪利以捐生

者文意皆指是非哀夫永之溺者而哀
夫世之溺者云耳與招海賈之意同

永之氓

永一作
零皮

咸善游一日水暴甚有五六氓乘小船

絕湘水中濟船破皆浮游其一氓盡力而不能尋常其

侶曰汝善游最也今何後為曰吾腰千錢重是以後曰

何不去之不應搖其首有頃益急已濟者立岸上呼且

號曰汝愚之甚蔽之甚身且死何以貨為又搖其首遂

溺死吾哀之且若是得不有大貨之溺大氓者乎於是

作哀溺

吾哀溺者之死貨兮惟大氓之為憂世濤鼓以風涌兮

浩澆蕩而無舟

澆戶廣切

不讓祿以辭富兮又旁窺而詭求

手足亂而無如兮負重踰乎崇丘既搖頭

一作浮頤

而滅脊

兮不忍

一作欲

釋利而離尤

離騷經進不入以離尤兮退將復修吾初服注離尤遭禍

也呼號者之莫救兮愈搔首以沉流髮披鬟以舞瀾兮

楚詞大招豕首縱目被髮

魂俵俵而焉游

俵丑良切又音祓

龜

鬟只鬟如陽切亂髮也

龜互進以爭食兮魚鮪族而為嗟始貪羸以嗇厚兮終

負禍而懷讎前既沒而後不知懲兮更攬取而無時休

哀茲氓之蔽愚兮反賊已而從仇不量多以自諫兮姑

指幸者而為謀夫人固靈於鳥魚兮胡昧爵而蒙鈎

爵音發網

也大者死大兮小者死小善游雖最兮卒以道天與害

偕行兮以死自繞推今而鑒古今鮮克以保其生衣寶

焚紂兮專利滅榮

紂衣寶玉焚於鹿臺榮夷公專利見周紀

豺狼死而猶餓

兮牛腹尸而不盈民既貿貿而無知兮

一無民字貿音茂

故與

彼咸謚為氓死者不足哀與中人之為余再更噫

招海賈文

據文意亦永州作是無咎取以續楚辭系之曰
昔屈原不遇於楚傍徨無所依欲乘雲騎龍遊
遊八極以從已志而不可措坦然念其故國至
于將死精神離散四方上下無所不往又有衆
鬼虎豹怪物之害故大拓其覓而復言之皆不
若楚國之樂者招海賈文雖變其義蓋取諸此
也言賈尚不可為而又浮于海大泊翁淪八方
易位魚龍神怪其禍不測孰與上黨易野出入
無虞而可樂哉上黨亦晉地宗元以謂崎嶇冒
利遠而不復不如已故鄉常產之樂亦以諷世
之士行險以僥倖不
如居易以俟命云

咨海賈兮君胡以利易生而卒離其形大海盪泊兮

盪音盪

盪泊一作汨
顛倒日月龍魚傾側兮神怪隳突

隳翻規切突他沒切
滄

茫無形兮往來遽卒陰陽開闔兮氛霧滿渤

上鳥孔切 下蒲沒切

君不返兮逝恍惚

一無逝字 恍與恍同

舟航軒昂兮下上飄鼓騰

趕燒嶠兮

趕教南切 燒午結切

萬里一覩峯入泓坳兮

阜才律切

奉燒岳也 泓鳥宏切 坳於交切

視天若畝

說文與晦同

奔螭出林兮翔鵬振

舞天吳九首兮更笑迭怒

山海經朝陽之谷神曰天吳 是為水伯其為獸也八首人

面此為九首恐誤

垂涎閃舌兮揮霍旁午君不返兮終為虜黑

齒鼓齟鱗文肌

木元 盧海賦或汎汎怒怒於黑齒之邦 注黑齒海外國名 齟士眼切 齒不正齟

魚塞切 齒齟

三角駢列耳離披

山海經鮫魚背腹皆有刺如三角 菱鮫音陵

反斲

义牙踔嶽崖

斷魚斤切齒根肉踔救救救
角二切踔也嶽音欽山高險

蛇首狝鬣虎

豹皮

沈懷遠南越志蛟魚鯉也形如蛇而四尺沈鑿臨
海異物志虎鰐長五尺黃黑斑文耳目齒牙有

似虎形或變乃成
虎狝音希豕也

羣沒互出誰邀嬉臭腥百里霧雨瀰

君不返兮以充饑弱水蓄縮

一作溺水張衡思立賦亂
弱水之潺湲兮注引山海

經曰崑崙之丘其下有弱水之川環之楚詞大招東
有大海弱水泑泑只注東海其水溲弱沈沒萬物也其

下不極投之必沉負羽無力鯨鯢疑畏

鯨其京切
鯢音倪

淫淫

嶽嶽

魚力魚
其二切

君不返兮卒自賊怪石森立涵重淵

涵音
舍

高下迺置滔危顛崩濤搜䟽剡戈鋌

時連切
小矛

君不返兮

若沉顛其外大泊評齋淪

評音平水名谷也齋於淪切水深廣兒

終古迴

薄旋天垠八方易位更錯陳君不返兮亂星辰東極傾

海流不屬泯泯超忽紛盪沃殆而一跌兮

跌徒結切

沸入湯

谷

離騷遠遊朝濯髮於湯谷注湯谷在東方少陽之位淮南言日出湯谷入虞淵也

舳艫霏解

梢若木

舳音軸艫音盧若木楚辭注在崑崙西極其華照下地

君不返兮魂焉薄

海若嗇貨號風雷

海神名曰海若

巨鼇領首丘山頽

列子渤海之東有大

壑焉其中有五谷一曰岱輿二曰員嶠三曰方壺四曰瀛州五曰蓬萊而山根無所著隨波上下不得暫時先

聖斯於帝使巨鼇十五舉首而戴之遂為三番六為歲一交焉鼇音教領戶感切

猖狂震虩翻

九垓

統許
逆切

君不返兮靡以推咨海賈兮君胡樂出幽險

而疾平夷恟駭愁苦而以忘其歸

恟音
甸

上黨易野恬以

舒

上黨潞州也言天下平陸
之地足以為賈而無虞也

蹈蹂厚土堅無虞

蹂悉久
切踐也

歧路脉布彌九區出無入有百貨俱周游傲睨神自如

撞鐘擊鮮恣歡娛君不反兮欲誰須膠鬲得聖捐鹽魚

孟子膠鬲舉

范子去相安陶朱

范蠡乘扁舟浮江湖變
姓名適齊為鴟夷子之

於魚鹽之中

陶為朱公治產積居與時
適言富者皆稱陶朱公

呂氏行賈南面孤

呂不韋陽
翟大賈人

也往來販賤賣貴累千金後事
秦莊襄王以為丞相封文信侯

弘羊心計登謀謨煮鹽

大治九卿居祿秩山委收國租

桑弘羊以心計言利事
折扶老領大司農盡管

天下鹽鐵作平準之法異時商賈所轉販者為賦而相

權輸置平準于京師盡籠天下之貨使商賈無所牟利

於是民不益賦而天下賢智走諾爭下車逍遙縱傲世

用饒賜弘羊爵左庶長

所趨君不返兮謚為愚咨海賈兮賈尚不可為而又海

是圖死為險魄兮生為貪夫亦獨何樂哉歸來兮寧君

軀

柳河東集卷十八

柳河東集卷十九

唐 柳宗元 撰

弔贊箴戒十五首

弔萇叔文

萇弘字叔周靈王之賢臣為劉文公之屬大夫
敬王十年劉文公與弘欲城成周使告於晉魏
獻子涖政悅萇弘而與之合諸侯于狄泉衛彪
僎曰萇弘其不歿乎周詩有之曰天之所壞不
可支也及范中行之難周人殺萇弘莊周云萇
弘死藏其血三年而化為碧蓋語其忠誠然也

公哀弘以忠死故弔云晁無
咎取此文於變離騷長音長

有周之羸兮

羸力
迫切

邦國異圖臣乘君則兮王易為侯威

強逆制兮鬱命轉幽

一作
輔幽

疹蠱膠密兮

疹音軫
蠱音古

肝膽為

仇一作
為尤

奸權蒙貸兮忠勇以劉伊時云幸兮大夫之羞

嗚呼危哉河渭潰溢兮橫軀以抑高高坼陟兮

陟文爾
切說文

小堀也一
曰山推

舉手排直壓溺之不慮兮堅剛以為式

壓乙
甲切

溺奴
狄切

知死不可撓兮明章人極夫何大夫之炳烈兮王

不寤夫讒賊卒施快於剽狡兮

剽匹妙切
狡古巧切

怛就制乎強

國松栢之斬刈兮箭茸欣植

箭茸孔切茸加容切久而隴切

盜驪折足

兮驪音

罷駑抗臆

罷音

鷙鳥之高翔兮孽狐惴而不食

鷙音至惴之瑞切

竊畏忌以羣朋兮夫孰病百而伸一挺寡以

校衆兮古聖人之所難矧援羸以威傲兮茲固蹈殆而

違安殺身之匪予戚兮閔宗周之不完豈成城以夸功

兮哀清廟之將殘嫉彪子之肆誕兮彌皇覽以為謾

平聲

騷云皇覽揆余于初度兮

姪舍道以從世兮焉用夫考古而登賢指

白日以致憤兮卒頽幽而不列版上帝以飛精兮黜寥

廓而殄絕

點徒感切

竭馮雲以甞愬兮

甞音貢說文飛聲

終冥冥以

鬱結欲登山以號辭兮愈洋洋以超忽心汨洄其不化

兮

汨音互洄音鶴又胡故切

形凝冰而自慄圖始而慮末兮非大夫

之操陷瑕委厄兮固衰世之道知不愈進兮誓不偷

以自好陳誠以定命兮侔貞臣與為友比干之以仁義

兮

一作比干之以仁義類兮一作比干之仁義兮一無義字論語微子去之箕子為之奴比干諫而死子曰

殷有三仁焉

緬遼絕以不羣伯夷殉潔以莫怨兮

子貢曰伯夷叔齊何

人也曰古之賢人也曰怨乎曰求仁而得仁又何怨

孰克軌其遺塵苟端誠之內

虧兮雖耆老其誰珍古固有一死兮賢者樂得其所大
夫死忠兮君子所與嗚呼哀哉兮敬吊子忠甫

一作敬
吊忠甫

弔屈原文

晁無咎取以附變騷曰原沒賈誼過湘初為賦
弔原至揚雄亦為文頗反其辭自昏山投諸江
以弔之誼愍原忠逢時不祥以比鸞鳳周鼎之
竄棄雄則以義責原何必沉身二人者不同亦
各從志也及子厚得罪與昔人離讒去國者異
太史公所謂虞卿非窮愁亦不能著書以自見
於世者故補之論宗元之弔原殆困而知悔者
其辭慙矣余謂斯言誠有旨然公再逐而過湘
江要亦不能無感云

後先生蓋千祀兮余再逐而浮湘求先生之汨羅兮

屈原

為楚懷王左徒以上官大夫諛於頃襄王王怒而遷之

屈原至於江濱被髮行吟澤畔顏色顛頽形容枯槁漁

父見而問之乃作懷沙賦於是擊蘅若以薦芳

蘅音行離騷雜

懷石遂自投汨羅以死汨音覓

杜蘅與芳芷若杜若也皆香草名願荒忽之顧懷兮冀陳辭而有光

一作

明先生之不從世兮惟道是就支離搶攘兮

搶千羊切如羊切

遭世孔疚華蟲薦壤兮進御羔裘

書益稷于欲觀古人之象日月星辰

山龍華蟲作會宗彞注華象草華虫雉也宗廟彞尊以

華蟲等為飾羔音高羊子小曰羔裘與袖同衣袂也左

氏襄十四年衛石宰穀曰余狐裘而羔袖先生之

意蓋以言貴者不獲用而賤者又得以違御云耳牝雞

伊嘵兮孤雄束味

書牝雞之晨惟家之索伊嘵音憂味與啣同陟救切喙也蓋亦以喙

賢者不獲伸其喙而小人反以肆其說耳

哇咬環觀兮蒙耳大呂

哇咬淫聲也哇烏瓜

切梁元帝纂要淫歌曰哇歌咬於交切大呂六呂中之一也先生益亦以取喻云

董喙以為羞

兮焚棄稷黍

董音覲藥草烏頭也

岸獄之不知避兮宮庭之不處

陷塗藉穢兮榮若繡黼攘折火列兮娛笑舞

攘音裏屋椽周

謂之攘齊魯謂之桀娛娛一作娛娛

讒巧之嘵嘵兮

嘵馨么切與恍同說文懼也詩曰予惟音

曉惑以為咸池

咸池黃帝樂也

便媚鞠恧兮美逾西施

離騷有西施之

女六切

謂謨言之怪誕兮反寘瑱而遠違

瑱他句切匿以玉充耳

重痼以諱避兮進俞緩之不可為

俞俞跼緩秦緩皆古良醫也

何先

生之凜凜兮厲鍼石而從之

鍼與針同

但仲尼之去

一有魯舍字

兮曰吾行之遲遲

孔子之去齊接淅而行去魯遲遲吾行也去父母國之道也

柳下

惠之直道兮又馬往而可施

柳下惠為士師三黜而去且曰直道而事人馬往

而不三黜

今夫世之議夫子兮曰胡隱忍而懷斯惟達人之

卓軌兮固僻陋之所疑委故都以從利兮吾知先生之

不忍立而視其覆墜兮又非先生之所志窮與達固不

渝兮夫惟服道以守義矧先生之悃悃兮

悃悃本切悃拍逼切

大故而不貳沉璜瘞佩兮瘞於孰幽而不光荃蕙蔽匿

兮胡久而不芳離騷經蘭芷變而不芳兮荃蕙化而為茅注荃蕙皆美香也荃音孫先生

之貌不可得兮猶髣髴其文章託遺編而歎喟兮渙余

涕之盈眶去王切呵星辰而驅詭怪兮謂屈原放逐見楚廟圖畫天地

山川神靈譎詭及古聖賢怪物行事書其壁夫孰救於

崩亡何揮霍夫一無雷電兮苟為是之荒茫耀姱辭之

矐朗兮姱音誇奢貌矐音世界以是之為狂哀余衷之

坎坎兮獨蘊憤而增傷諒先生之不言兮後之人又何

望平聲忠誠之既內激兮抑銜忍而不長羊為屈之幾何

兮

羊音教國語融之興者其在羊姓乎羊楚姓也

胡獨焚其中腸吾哀今之為

仕兮庸有慮時之否臧食君之祿畏不厚兮悼得位之
不昌退自服以默默兮曰吾言之不行既媮風之不可
去兮懷先生之可忘

弔樂毅文

樂毅其先曰樂羊燕昭王以子之之亂而齊大
敗燕昭王怨齊未嘗一日而忘報齊也乃先禮
郭隗而毅往委質焉以為上將軍下齊七十餘
城田單間之毅是誅遂西降趙以書遺燕惠王

曰臣聞聖賢之君功立而不廢故著於春秋勇知之士名成而不毀故稱於後世公傷穀之有功不見知而以讒廢也故弔云
晁無咎故亦取之於變駮

許縱自燕來曰燕之南有墓焉其志曰樂生之墓余聞而哀之其返也與之文使弔焉

大厦之騫兮風雨萃之車亡其軸兮乘者棄之嗚呼夫子兮不幸類之尚何為哉昭不可留兮道不可常畏死疾走兮

即上所載畏誅降趙之意

狂顧傍徨燕復為齊兮

趙封穀於觀津號曰

望諸君尊寵穀以警動燕齊田單與燕君戰逐燕北至河上盡復得齊城

東海洋洋嗟夫子

之專直兮不慮後而為防胡去規而就矩兮卒陷滯以

流亡惜功美之不就兮俾愚昧之周章豈夫子之不能

兮無亦惡是之遑遑仁夫對趙之悃欵兮誠不忍其故

邦

初毅去趙歸燕昭王問伐齊之事對曰齊霸國之餘業也地大人衆未易獨攻也莫如與趙及楚魏於是

樂毅約趙惠王別使連楚魏令趙圍秦以伐齊諸侯皆爭合從與燕伐齊昭王以毅為上將軍趙惠王以相國印授毅并護趙楚韓魏兼兵伐齊其後又捐燕歸趙始終對趙之意可見矣

君子之容與兮

彌億載而愈光諒遭時之不然兮匪謀慮之不長跼陳

辭以隕涕兮

離騷經檻茹蕙以掩涕兮露余襟之浪浪跪敷衽以陳辭兮眔吾既得此中正跼巨

几切長
跪也

仰視天之茫茫苟偷世之謂何兮言余心之不

臧

言一
作信

伊尹五就桀贊

并序

作之年月不可考先儒或以為到永州後作謂柳以附王叔文遂嘗與許京兆書云早歲與負罪親善始奇其能謂可以共立仁義禪教化過不自料塵塵勉勵惟以中正信義為志以興堯舜孔子之道利元元為務不知愚陋不可力強其素意如此今又作此贊亦陰自解說益以桀比叔文言其居勢順便可以速得志云耳以叔丈為桀而以德宗為湯是果公之意哉

伊尹五就桀或疑曰湯之仁聞且見矣桀之不仁聞且

見矣夫何去就之亟也柳子曰惡是吾所以見伊尹之
大者也彼伊尹聖人也聖人出於天下不夏商其心心
乎生民而已曰孰能由吾言由吾言者為堯舜而吾生
人堯舜入矣退而思曰湯誠仁其功遲桀誠不仁朝吾
從而暮及於天下可也於是就桀桀果不可得反而從
湯既而又思曰尚可十一乎使斯人蚤被其澤也又往
就桀桀不可而又從湯以至於百一千一萬一卒不可
乃相湯伐桀俾湯為堯舜而人為堯舜之人是吾所以

見伊尹之大者也仁至於湯矣四去之不仁至於桀矣
五就之大人之欲速其功如此不然湯桀之辨一恒人
盡之矣又奚以憧憧聖人之足觀乎憧昌容切吾觀聖人之
急生人莫若伊尹伊尹之大莫若於五就桀作伊尹五
就桀贊

聖有伊尹思德於民往歸湯之仁曰仁則仁矣非久不
親退思其速之道宜夏是因就焉不可復反毫殷猶不
忍其遲亟往以觀庶狂作聖書惟聖罔念作狂一日勝

殘至千萬冀一卒無其端五往不疲其心乃安遂升自

陔音而黜桀尊湯遺民以完大人無形與道為偶道之為

大為人父母大矣伊尹惟聖之首既得其仁猶病其久

恒之所疑我之所大嗚呼遠哉志以為誨一作悔

梁丘據贊

左傳昭公二十年齊侯疥遂痞期而不瘳梁丘據與裔歛皆齊嬖大夫也言於公曰是祝史之罪也請誅祝史晏子以為君若欲誅於祝史修德而後可公說使有司寬政毀關去桀薄斂已責入齊侯田于沛至自田晏子侍于遄臺子猶馳而造焉子猶即梁丘據也公曰唯據與我和

夫晏子對曰據亦同也焉得為和君所謂可據亦曰可君所謂否據亦曰否若以水濟水誰能食之此君所謂終不撓厥政不嫉反已者也夫以孟子之賢臧倉猶得以沮君而梁丘據不毀晏子之賢是誠可取方子厚貶竄遠方左右近臣有能一為子厚之地者乎其曰激贊梁丘誠哉有以

齊景公有嬖曰梁丘子同君不爭古號媚士君悲亦悲君喜亦喜曷賢不贊卒贊於此媚余所仇激贊有以梁丘之媚順心狎耳終不撓厥政不嫉反已晏子躬相梁丘不毀恣其為政政實允理時睹晏子食寡肉缺味愛

其不飽告君使賜中心樂焉國用不墜後之嬖君罕或

師是導君以諛

音腴

聞正則忌讒賢協惡民蠹國圯

部鄙切

嗚呼豈惟賢不逮古嬖亦莫類梁丘可思又況晏氏激
贊梁丘心焉孔瘁

霹靂琴贊引

并序

贊云零陵在

永州時作也

霹靂琴

上音僻下音歷

零陵湘水西震餘枯桐之為也始枯桐

生石上說者言有蛟龍伏其窟

音欵空也

一夕暴震為火之

焚至旦乃已其餘磴然倒卧道上

磴苦東戶宋
二切石聲

震旁之

民稍柴薪之超道人聞取以為三琴琴莫良於桐桐之

良莫良於生石上石上之枯又加良焉火之餘又加良

焉震之於火為異是琴也既良且異合而為美天下將

不可載焉

載一作再

微道人天下之美幾喪余作贊辭識其

越之左與右

越如字禮記朱弦而疏
越注云越瑟底孔也

以著其事又益以

序而為他傳辭曰

惟湘之涯惟石之危龍伏之靈震焚之奇既良而異爰

金史卷之九十九 卷十九
合其美超實為之贊者柳子

尊勝幢贊

并序

觀序云睦州於是誠焉不疑謂李睦州也馬孺人睦州之外婦馬淑也據集有淑墓誌元和五年五月卒而此序云立之為福馬孺人之墓贊當同時作

以佛之為尊而尊是法嚴之於頂其為最勝宜也既尊而勝矣其為拔濟尤大塵非而災去影及而福至睦州於是誠焉不疑磐石六觚音孤史記漢興破觚為圓斷雕為樸觚謂方也其長半尋乃篆乃刻立之為福馬孺人之墓孺人之生奉佛

道未嘗敢怠今既沒睦州又成其志擇最勝且尊之道
文之於石以延其休則其生佛所得佛道宜無疑也贊

曰

世所尊兮又尊道勝無上兮以為寶拔大苦兮升至真
靈合贊兮神而神駕元氣兮濟玄津誰為友兮上品人
德無已兮石無磷音隣延永世兮奠坤垠靈受福兮公之
勤

龍馬圖贊

并序

靈昌滑州郡名也明皇開元二十九年三月滑州刺史李邕獻馬肉鬣鱗臆嘶不類馬日行三百里與公贊所狀皆合公嘗說周穆王八駿之圖可焚而獨於此贊龍馬之神此必有可信不誣者哉序稱盧遵從柳來南者此贊亦永州作集有送盧遵游桂州序蓋其內弟云

始吾聞明皇帝在位靈昌郡得異馬於河而莫知其形好事者涿人盧遵以其圖示余其狀龍鱗虺尾虺許尾切拳

毛環目肉鬣音獵馬之靈怪有是耶居帝閑為馬幾二十

年從封禪郊籍鳴和鑾者數十事遇禍亂帝西幸馬至咸陽西入渭水化為龍泳去不知所終且其來也宜于

時其去也存其神是全德也既覩其形不可以不贊

靈和粹異孕至神兮倮尾童鬣倮力果切疏紫鱗兮巍然特

出瑞聖人兮顏延年楮白馬賦實有騰先吐圖嗜德瑞聖之符焉理平和樂禮樂

陳兮禮一作百鳴鑾在御大路遵兮詩遵大路兮世疵道悖還吾

真兮江切哀鳴延首渭水濱兮沛馬潛泳旋奩淪兮於倫

倫切淵居海遊靈無鄰兮出處孔時類至仁兮嗟爾衆類

孰是倫兮進昏死亂玷厥身兮玷音鹽又都念切猶危也匪馬之慕

吾誰親兮贊之斯圖宜世珍兮

誠懼箴

或疑其憂懼二箴在貞元末年王叔文將敗時作恐未必然觀其詞意亦貶謫後文云

人不知懼惡可有為知之為美莫若去之非曰童昏昧
昧勿思禍至後一作懼是誠不知君子之懼懼乎未始

幾動乎微事遷乎理將言以思將行以止中決道符乃
順而起起而獲禍君子不耻非道之愆非中之詭懼而
為懼雖懼焉如君子不懼為懼之初

憂箴

憂可無乎無誰以寧子如不憂憂日以生憂不可常常
則誰憚子常其憂乃小人戚敢問憂方吾將告子有聞
不行有過不徙宜言不言不宜而煩宜退而勇不宜而
恐中之誠懇過又不及憂之大方唯是焉急內不自得
甚泰為憂省而不疚雖死優游所憂在道不在乎禍吉
之先見

易幾者動之微
吉之先見者也

乃可無過告子如斯守之勿愼

師友箴

并序

觀集中與嚴厚輿書在元和八年書云怪僕所
作師友箴與答韋中立書此箴當作於八年之

前也

今之世為人師者衆笑之舉世不師故道益離為人友者不以道而以利舉世無友故道益棄嗚呼生於是病矣歌以為箴既以儆己又以誡人

不師如之何吾何以成不友如之何吾何以增吾欲從師可從者誰借有可從舉世笑之吾欲取友誰可取者

孟子離婁下尹公之他端人也其取友必端矣

借有可取中道或捨仲尼不生

牙也久死

鮑叔牙與管仲為友後薦仲於桓公以為相
杜甫詩云君不見管鮑貧時交此道今人棄

如土蓋管鮑
善交友者也

二人可作懼吾不似中焉可師恥焉可友
謹是二物用惕爾後道苟在焉傭丐為偶道之反是公
侯以走內考諸古外考諸物師乎友乎敬爾無忽

敵戒

作之年月雖不詳然觀其
詞旨當與前三歲前後作

皆知敵之仇而不知為益之尤皆知敵之害而不知為
利之大秦有六國兢兢以強六國既除施施乃亡

謂秦滅齊

楚燕趙韓魏六國後不
世而亡也施音怡自得貌

晉敗楚鄢范文為患厲之不

圖舉國造怨

晉厲公六年鄭倍晉與楚盟晉怒發兵厲公自將五月渡河聞楚兵來救范文子請

公欲還郤至曰發兵誅逆見強避之無以令諸侯遂與戰癸巳射中楚共王目楚兵敗於鄢陵子反收餘兵欲

復戰晉患之鄢音偃孟孫惡臧孟死臧恤藥石去矣吾亡無日季武

子無適子公彌長而愛陣子欲立之訪於臧紇曰彌與紇吾皆愛之欲擇才焉臧紇曰飲我酒吾為子立之季氏飲

大夫酒臧紇為客既獻臧孫命北面重席新樽潔之召陣子降逆之大夫皆起及旅而召公鉏使與之盂公鉏既廢

於是季孫愛臧孫孟孫惡之孟孫卒臧孫入哭甚哀出涕其御曰孟孫之惡子也而哀如是季孫若死若之何臧孫

曰季孫愛我疾疾也孟孫惡我藥石也孟孫死吾亡無日矣智能知之猶卒以危矧

今之人曾不是思敵存而懼敵去而舞廢備自盈祗益

為瘡敵存滅禍敵去召過有能知此道大名播懲病克
壽矜壯死暴縱欲不戒匪愚伊耆我作戒詩思者無咎

瘡音愈

又音俞

三戒 并序

公之自序之意明矣戒言永
某氏之鼠當在適永州時作

吾嘗惡世之人不知推己之本而乘物以逞或依勢以
干非其類出技以怒強竊時以肆暴然卒迫於禍有客
談麋驢鼠三物似其事作三戒

臨江之麋

臨江之人畋得麋麇

上音眉下音
倪鹿子也

畜之入門羣犬垂涎

揚尾皆來其人怒怛之自是日抱就犬習示之使勿動

稍使與之戲積久犬皆如人意麋麇稍大忘已之麋也

以為犬良我友抵觸偃仆益狎犬畏主人與之俯仰甚

善然時啖其舌

啖音
淡

三年麋出門見外犬在道甚衆走

欲與為戲外犬見而喜且怒共殺食之狼籍道上麋至

死不悟

黔之驢

黔無驢有好事者舩載以入至則無可用放之山下虎

見之危然大物也以為神蔽林間窺之稍出近之慙慙

然莫相知

慙魚僅切
恭敬也

他日驢一鳴虎大駭遠遁以為且

噬已也甚恐然往來視之覺無異能者益習其聲又近

出前後終不敢搏稍近益狎蕩倚衝冒驢不勝怒蹄之

虎因喜計之曰技止此耳因跳踉大囁

虎檻切

斷其喉盡

其肉乃去噫形之危也類有德聲之宏也類有能向不

出其技虎雖猛疑畏卒不敢取今若是焉悲夫

永某氏之鼠

永有某氏者畏日拘忌異甚以為己生歲直子鼠子神也
也因愛鼠不畜猫犬一作又禁僮勿擊鼠倉廩庖厨悉以

恣鼠不問由是鼠相告皆來某氏飽食而無禍某氏室

無完器椀無完衣椀音移衣架也飲食大率鼠之餘也晝累累

與人兼行累倫追切夜則竊齧鬪暴其聲萬狀不可以寢終

不厭數歲某氏徙居他州後人來居鼠為態如故其人

曰是陰類惡物也盜暴尤甚且何以至是乎哉假五六
猫闔門撒瓦灌穴購僮羅捕之殺鼠如丘棄之隱處煖
數月乃已煖尺救切嗚呼彼以其飽食無禍為可恒也
哉與臭同

柳河東集卷十九

謹案卷十八第七頁後七行何休公羊注曰境墉
不生五穀曰不毛刊本脫公羊二字角訛墉據
公羊傳注改又螿冢也刊本螿訛墉今改

第十二頁後三行飽貌刊本脫貌字據莊子釋文
增

第十五頁前八行休嘉訢合兮刊本訢合訛宜訢
案此用禮記天地訢合語據郭雲鵬本改正

第十九頁後四行與晦同刊本晦訛晦據周禮地

官不易之地家百晦句改

卷十九第四頁前四行岍獄之不知避兮刊本岸
訛犴據文苑英華改

第四頁前五行娛娛笑舞案詩邶風碩人俱俱公
庭萬舞此二娛字疑是俱字之訛

第十頁前七行又益以序而為他傳刊本而訛以
據唐文粹改

第十一頁後六行居帝閑為馬幾二十年案唐文

粹無為馬二字疑此誤衍

第十二頁前五行渭水濱兮刊本渭作慕據唐文
粹改

第十二頁前六行淵居海遊刊本遊訛逝據唐文
粹改

第十四頁後六行季孫若死四字刊本脫據左傳
增



總校官候補中書臣吳紹濬

校對官編修臣裴謙

膳錄貢生臣孟啟疆

膳錄監生臣范桐